

শাসককে বলছি

-কামরুন নাহার

অন্ন না দিয়ে
শূন্য উদরে দিয়েছিলে রুলের গুঁতো,
বস্ত্র কেড়ে নিয়ে
নগ্ন শরীরে চড়িয়েছিলে বুটজুতো।

তোমার পুলিশ, বিডিআর, আর্মির রক্তে
জারের বাহিনীর প্রেতাত্মা করছে নৃত্য,
তোমার কর্মে-চিন্তাধারায় লর্ড ক্লাইভ,
নে উইন, সুহার্তো, মবুতু দর্পে জীবিত।

প্রজার পয়সায় প্যালেসে কার্পেট, ঝাড়বাতি,
ভুলে যেও না ফরাসী রাজা লুই সিক্সটিনের
গিলোটিনে শেষ পরিণতি।

*কামরুন নাহার বাংলাদেশের রাজশাহী বিশ্ববিদ্যালয়ের
অন্তর্ভুক্ত ‘ইনস্টিটিউট অব বাংলাদেশ স্টাডিজ’ (আইবিএস)-
এর একজন পিএইচডি ফেলো। তার গবেষণার বিষয়-
‘বাংলাদেশে রাজনৈতিক সহিংসতা: প্রকৃতি ও কারণ’।